

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
SLUŽBA ZA INVESTICIJE I POSLOVE MJESNIH ZAJEDNICA
Broj: 03-04-2883/21
Lukavac, 29.09.2021. godine

Na osnovu člana 69. Zakona o javnim nabavkama („Sl. glasnik BiH“, broj: 39/14) u postupku javne nabavke radova na uređenju prostorija vatrogasnog doma u Lukavcu Pomoćnik općinskog načelnika za Službu za investicije i poslove mjesnih zajednica d o n o s i

ODLUKU **o otkazivanju postupka javne nabavke**

Član 1.

Otkazuje se postupak javne nabavke radova na uređenju prostorija vatrogasnog doma u Lukavcu, zbog dokazivih razloga koji su izvan kontrole ugovornog organa i koji se nisu mogli predvijeti u vrijeme pokretanja postupka javne nabavke.

Član 2.

Ova odluka objavit će se na internet stranici ugovornog organa (www.lukavac.ba), u skladu sa članom 70.stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestovali u postupku javne nabavke, u skladu sa članom 71. stav (2) Zakona o javnim nabavkama.

Član 4.

Ovom odlukom stavlja se van snage odluka, broj: 03-04-2883/21 od 16.08.2021. godine.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 03-02-2881/21 od 19.07.2021.godine. Javna nabavka je sprovedena otvorenim postupkom nabavke. Procjenjena vrijednost javne nabavke bez PDV-a je 3.000,00 KM.

Obavještenje o nabavci broj: 719-1-3-72-3-92/19 objavljeno je na Portalu javnih nabavki dana 19.07.2021. godine.

Komisija za provođenje postupka nabavke imenovana Rješenjem broj: 02-04-75-47/21 od 21.07.2021. godine dostavila je Pomoćniku općinskog načelnika za Službu za investicije i poslove mjesnih zajednica Zapisnik o pregledu i ocjeni ponuda broj: 03-04-2883/21 od 13.08.2021. godine, Preporuku o izboru najpovoljnijeg ponuđača broj: 03-04-2883/21 od 13.08.2021. godine i Izvještaj o radu broj: 03-04-2883/21 od 13.08.2021. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljena jedna ponuda;
- da je blagovremeno primljena jedna ponuda;

- da nije bilo neblagovremeno primljenih ponuda;
- da je ponuda ponuđača ELEKTROCENTAR Petek d.o.o. Tuzla kvalifikovana i prihvatljiva, naime dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Komisija je konstatovala da je za ovu nabavku planiran iznos od 3,000.00 KM bez PDV-a, a da je vrijednost ponude ponuđača ELEKTROCENTAR Petek d.o.o. Tuzla 3.300,00 KM bez PDV-a, odnosno da cijena najniže prihvatljive ponude prelazi iznos sredstava obezbijeđen za ovu nabavku. Obzirom na navedeno, Komisija se pismenim putem obratila ugovornom organu da isti utvrdi da li postoji mogućnost povećanja budžeta u vrijednosti od 300,00 KM bez PDV-a i dodijele ugovora.

Komisija je od ugovornog organa zaprimila Odgovor br: 03-04-2883-1/21 od 11.08.2021. godine u kojem stoji da je traženi iznos obezbijeđen budžetom općine Lukavac za 2021. godinu, ekonomski kod 821614-„Rekonstrukcija općinskih objekata u vlasništvu općine Lukavac“ .

Kriterij za dodijelu ugovora ekonomski najpovoljnija ponuda sa podkriterijima cijena 98% i rok plaćanja 2%.

Ponuđač ELEKTROCENTAR Petek d.o.o. Tuzla dostavio je prihvatljivu ponudu sa cijenom od 3.300,00 KM bez PDV-a i rokom plaćanja 60 (šezdeset) dana koja je u odnosu na kriterij za dodjelu ugovora ocijenjena kao najpovoljnija.

Budući da je izabrani ponuđač ELEKTROCENTAR Petek d.o.o. Tuzla dostavio Obavijest o odustajanju od ponude od 23.09.2021. godine i isti vratio nepotpisane ugovore, te je ugovorni organ donio odluku o otkazivanju postupka javne nabavke radova na uređenju prostorija vatrogasnog doma u Lukavcu.

Uzimajući u obzir gore navedeno, a primjenom člana 69. Zakona o javnim nabavkama („Sl. glasnik BiH“, broj: 39/14), riješeno je kao u Dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac-Služba za investicije i poslove mjesnih zajednica, Trg Slobode 1, 75300 Lukavac. Žalba se podnosi u najmanje tri primjerka.

POMOĆNIK OPĆINSKOG NAČELNIKA
ZA SLUŽBU ZA INVESTICIJE POSLOVE MJESNIH ZAJEDNICA
(ovlaštenje broj: 02-30-6245/20 od 21.12.2020. godine)

Emir Begić/dipl.ecc.

Dostaviti:

1. ELEKTROCENTAR Petek d.o.o. Tuzla
2. Arhivi.-

